

H H V

1609



№ 588 \*


All. 5 an Ya 5570, 4<sup>o</sup> 4

LB DDKe


in der  
Bibliothek.













*[Faint, illegible text, likely bleed-through from the reverse side of the page.]*






# Kürtzlich doch gantzlich

Verzeichnis aller vnd jeder particular Rechten vnd Gerechtigkeiten/welcher/ vnd keiner mehr/ vor alten zeiten/ die Erzbischove zu Mainz/ etc. an vnd in der freien Stad Erffurde/ sich domals angemast haben/ In massen dieselbe auff schriftlich gesinnen/ weiland des Hochwirdigsten Fürsten vnd Herrn/ Herrn Bruder Heinrichs/ Erzbischoven zu Mainz/ obersten Sankler des H. Römischen Reichs/ etc. vormittels gehaltenen unterhandlung/ vnd endlicher vergleichung beiderseits darzu sonderlich geordenter Legaten/ vmb steter haltung willen schriftlich verfasst/ beliebt/ vnd so wol von dem Erzbischoff/ auch Capitul zu Mainz/ als von einem Erbarñ Rathe zu Erffurt/ im Jahr nach Christi geburt/ 1289. Sonnendens post Catharinæ, versiegelt/ hinc inde einander vbergeben vnd angenommen.

Auch hernacher Anno Christi/ 1481. von Mainz wider Erffurt/ zu gebürlicher recognoscierung vnd transumirung producirt worden/ vnd dem versiegelten Original von worten zu worten gleichstimmig sind.



AB 177696

L 39

ung  
für

**S**

bur  
den  
the  
geb

lefor  
ren  
oder  
habe  
den  
den  
unse  
schri

die  
selige  
Staf  
als a  
das  
men



**Renunciation vnnnd vergleichung**  
 ung Bruder Heinrichs/weiland Erzbischoffs vnd Churfürsten zu Mainz/etc. krafft/welcher nachfolgende schriftliche verfassung zum werck gerichtet worden ist.



Wir Bruder Heinrich von Gottes gnaden/ Erzbischoff zu Mainz/ oberster Cansler des Reichs / thun kund allen den/die diesen Brieff sehend oder hörend lesen/ Das wir allen den vnwillen vnd werren/von aller hande brüchen/ heimlichen vnd öffentlichen/die buswürdig waren/ die wir hatten vff diesen heutigen tag/der da ist do man zalt von Gottes geburt / Tausent / zwey hundert / sieben vnd achzig Jar / an dem vierden tage des Monats des Mercken/ gegen dem Rathe vnd den Bürgern allen gemeine von Erffurt / haben luterliche vergeben/also/das es von niemand mehr sol gefordert werden.

Wir bekennen auch/das wir allen vnwillen vnd ansprache/vnd alle forderung / die wir hatten gegen den Jüden zu Erffurt / es sey omb iren Kirchof/oder omb ire Synagogen/vnd ander alle sache/heimliche oder öffentliche / die buswürdig waren/ bis an vorgenannten tag/ haben luterlich vergeben/ also/das es nimmermehr sol gefordert werden/ Vnd wir wollen auch denselben Jüden von Erffurt den Brieff/den sie habend vnter vnsers Vorfaren Bischoff Bernhers seligen/vnd vnsers Capitels Insigeln stete zu halten/ zu der zeit/als der Brieff geschrieben ist.

Wir haben auch stete dem Rathe vnnnd den Bürgern von Erffurt / die Brieffe/ die sie habend vnter vnsers Vorfaren Bischoff Bernhers seligen/vnd vnsers Capitels Insigeln/ omb die Fleischhacker / das sie Fleisch verkeuffen / vnd omb die Brotbecker das sie Brot verkeuffen/ als an den Brieuen siehet/ also/wo sie buswürdig würden/das man das richten solle/vor vnserm Richter/den wir darzu sehen/vnd das sol niemand hindern/ oder vorhin heimlich versühnen.

*Vide 7. Cap. 2.  
 data Bertoldi  
 §. 3. Ubi hoc  
 mutatum  
 repetit.*

B ij

Wir

Wir haben auch stete / als an den Briuen onfers vorgeandten  
Vorfaren / vnd des Capitels Insigeln von Mainz ist geschrieben / die  
wandlung des Münzhauſes / vnd der Zal der Husgenossen.

An allen den Stücken / die da vorgeschrieben sind / so behalten wir  
onselben / vnd dem Stiffte von Mainz / alles onser Recht an onserm  
Gerichte / an onsern Ampten / vnnnd an des Gotteshaus eigen von  
Mainz / vnd alles des / das onser Recht anhoret.

Auch sollen die Bürger von Erfurdrt von des nechsten  
Sanct Martins tage / alle onser Recht / als sie von alters  
her sind komen / vsrichten / vnd vnter irem Insigel / ons  
vnd onserm Stiffte geschrieben geben / als onser Bothen /  
die wir mit onsern Briuen darzu senden sollend / vnd sie  
vbereinkomend / Vnd dasselbe Recht sollen wir in wider  
geben / besiegelt / mit onserm vnd onfers Capitels Insigel /  
ohne fahr.

Wann auch das verrichtet wird / als dauor geschrieben ist / so sollen  
die Bürger ledig sein / vnd ire Briue / die omb ir Bürgschafft gegeben  
sind / wider geben. Vnd zu aller dieser vorgeandten stetigkeit /

so han wir diesen Brieff gegeben den Bürgern vnter onserm  
Insigel / Dis geschach zu Erfurdrt nach den vorge  
andten Jaren / an dem tage als dauor ge  
schrieben ist.

Æ. 1287.



En

1.

# Inn dem Namen vnfers

Herrn Ihesu Christi / Amen.

Sie hebet sich das Verichte des Ertz-  
bischoffs vnd seines Stiffes von Mainz /  
das er hat in der Stad zu Erffurt /  
A M E N.

**M**

An bekennet dem Erzbischove von  
Mainz an seinem Verichte zu Erffurt Kampffs /  
Gottesfriedes vnd Burgfriedes / vnd seiner Ach-  
te / vnd auch der notnumpff / vnd alles des Rech-  
tes / des er von alters hat an seinem Verichte ge-  
habt / vnd wo sein Schultheis oder sein Richter  
nicht viel wol zu Erffurt gerichten mag / da sol der Rath zuhelffen en-  
deliche / der des Jares ist / das dem Erzbischove Recht geschche / vnd  
auch dem Kläger / wann der Rath des gemant wird / von dem Richter  
des Erzbischoves.

Von dem Gottesfriede / vnd von dem  
Burgfriede.

Wemand sol den andern beklagen omb Backenschläge / oder omb  
Scheltwort / oder omb reuffen / in dem Gottesfriede / vnd in dem  
Burgfriede / es sey Blutrünst / oder heimsuche / oder Tode-  
schlag / oder Knütteln mit bedachtem mute.

Dis ist das Recht von dem freien Gute / das da zinsset  
vff des Erzbischoves Tisch / in der Stad zu  
zu Erffurt / vnd vor der Stad Erffurt.

Wer Frengut keufft zu Erffurdt / das sol leihen des Erzbischoves  
Schultheis / vnd der Keuffer des Guts sol ime geben einen Schilling  
von der Mark / doran mag der Schultheis gnade wol thun / ob er wil  
gegen dem Keuffer.

A iii

Dis

Dis ist das Recht des Schultheissen von dem freien Gute.

Ein jeglich Mann mag wol von seinem freien Gute verkeuffen eine Marck geldes/oder minder oder mehr/also/das er gebe des Erzbischoves Schultheissen einen Schilling von der Marck.

Von Frey vnd von Erbe/das man verkeufft in der Stad zu Erffurt

Wird ein frey Gut verkauft/da Erbzins an ist/das sol des Erzbischoves Schultheis leihen zu des Bischoves Rechte/ vnnnd der Erbherr sol dabey sein/ vnd sol das Gut leihen auch zu seinem Rechte/ da sol bey sein der Bischumb/ vnnnd der Freybote / vnnnd des Bischoves Schreiber.

Von Frey vnd von Erbe das man verkauft zu Erffurt.

An dem tage nechst Sanct Mertens tage/ so sol man den freien Zins nemen / vnd sol acht tage darzu sitzen / vnd sol nicht dann newe Pfennige nemen/ Wann es aber kömpt an den achten tag/so sol der Schultheis sitzen ober Mittag/ vnd sol nemen Leute darzu/ das er zu Rechte hab gewartet des Zinses/ Wer aber den Zins verseumet zu geben/der wird bushafft an einem Pfunde/vnd der Freybote sol im gebieten drey gebot drey tage nach einander / also manch gebot als der Freybote gebeutet/omb also manchs pfund ist er bushafft dem Schultheissen vff gnade/ mit der ersten busse/ darnach sol man im sein Freyfronen. Stehet aber das frey Jar vnd tag in der frone/ so sol das frey ledig sein dem Erzbischove von Mainz. Dierweil aber im der Freybot nicht gebeutet/so bleibt er one busse/die erste busse mus er aber geben dem Schreiber vff gnade.

Von



### Von dem Kauffe des freien Guts.

Ist aber das jemand eine Marck oder zwo/mehr oder minder ver-  
kauft an seinem frey/ so sol geben der da kauft dem Erzbischove den  
freien Zins vff seinen Tisch. Were aber das er in verseumete zu ge-  
ben/bis das man im drey gebot gethete/so were er die buß schuldig/die  
dafür gebüret/ vnd gefronte man das frey dem Erzbischove/so sellet er  
von der gülden/ die er vff dem Frey gekaufft hatte / vnd bleibet das dem  
Erzbischove.

Vorrichtet aber jener nicht/ des das frey ist/ oder der die gülden ver-  
kauft/ den Zins vnd die gülden dem Erzbischove/ bis das man es ge-  
frohet oder vffgeholet/ so sellet er von allem seinem Rechte/ vnd wird  
das frey vnd das Gut ledig dem Erzbischove.

Dis sol man halten von alle dem Gute das Frey heisset/es sey von  
alter verkaufft/oder was man verkaufft immer mehr.

### Von dem Erbe/das da ist an freiem Gute.

Niemand sol einicherley Erbe an jrgend einem freiem Gut haben /  
dann einer/ Aber alle seine angeborne Erben sollen gleich teil darob  
haben.

### Von Erbe vnd von freiem Gute.

Welch Erbe oder Frey des Erzbischoves Schultheis leihet / vnd  
die Erbherren mit einander / das von zehen Marcken ist/ oder darun-  
ter/ das sol man dem Schultheissen halb geben / vnd dem Erbherren  
halb/ Was aber ober zehen Marck ist/das sol werden dem Erbher-  
ren fünff Schillinge/ vnd das darüber ist/ sol man geben dem Schu-  
ltheissen off gnade. Ander Recht/ das zu dem Frey gehöret/  
bleibet an alle dem Rechte/als es ist von alter  
her gestanden.



W A iij Dis

Von

Fen eine  
Erzbischo

Erzbi  
der Erb  
chte/ da  
ischoves

en freiat  
in newe  
o sol der  
das er zu  
umet zu  
ol im ge  
als der  
Schul  
ein Frey  
das frey  
n der  
ffe



15  
Die Münz und Teller des Jars der Reichs-Königliche Münz, so viel die Bürger betrifft  
und von 7000. Mark Silber widerkauflich  
ausgeführt, Ko. 1554. Vite Capite No. 20.

### Dis ist von der Münze des Erzbischoves von Mainz zu Erfurt in der Stad.

Was der Man kauft Korn und Gersten/ und Hasern/ davon sol  
er geben Schlegeschak/ one des er bedarff zu Bier vnd zu Brot/ des  
ime nicht vff dem Felde wechset/ oder nicht hat an Korn gelde.

### Von dem Korn das kömpt zu Erfurt.

Was Korn kömpt zu Erfurt in das Reichbilde/ oder in die Stad  
vnuerkauft/ das sol man kuffen mit neuen Pfennigen/ oder man sol  
davon geben Schlegeschak.

### Von dem Schlegeschak.

Es sol auch niemand Schlegeschakes ledig sein/ er sey Pfaffe oder  
Leute/ oder Edel oder gemeine Leute/ one den Münzmeister des Erzbis  
choues/ vnd die Hausgenossen.

### Von dem Zimmerholze.

Alles Zimmerholz/ das man behawen hat mit der Barten/ das  
sol man kuffen mit neuen Pfennigen/ kufft man es mit alten Pfenni  
gen aber/ so sol man davon geben Schlegeschak/ one das Holz/ davon  
man machet Legel/ Kuffen vnd Bottiche/ vnd allerley Holzwerck/ das  
von Schlegeschaket er nicht.

### Von des Zimmerholzes Schlegeschak.

Welch Man kufft ein Fuder gezimmers/ das zu der Barten gehö  
ret/ das sol er kuffen mit neuen Pfennigen/ Kufft er es aber mit alten  
Pfennigen/ so sol er zween Pfennige geben zu Schlegeschak/ Verkauft  
aber der Waldman von seinem Fuder ein Holz oder zwey/ also/  
das er das Fuder bricht/ so sol er geben den Schlege  
schak selbst/ vnd der Kuffer nicht.

III

Von



5

Von den Lambfellen.

Die Lambfell sol man keuffen mit neuen Pfennigen/ von dem guten Freitag nach mittem tage/ bis an den Pfingstabend nach mittem tage.

Von Landhopffen vnd von Pferden.

Hopffen der da wechset im Lande/ vnd Pferde die man keufft zu halber Marck/ vnd darunter/ vnd newe Wagen/ sol man keuffen mit neuen Pfennigen.

Dis ist von dem Borneholz / das zu Erfurt kömpt.

Alles das Borneholz sol man keuffen mit Pfennigen vnd mit Scherffen/die da sind gewircket des Jars zu Erfurt/ vff dem Eisen.

Dis ist von der Fuhre des Kornes vnd der Legeln.

Führet ein Mann ein Fass vff seinem Wagen/ das er füllen wolle mit Bier/mit seinem Korne/ vnd keufft er das Bier mit demselben Korne/dauon sol er nicht Schlegeschak geben/ Ist aber mehr Kornes darüber/dauon sol er geben Schlegeschak.

Von eines jeglichen dinges Schlegeschak

Von eines jeglichen dinges kauffe/ sol man nicht mehr Schlegeschak geben/ dann einen.



Von

Von

## Von der Bürger Schlegeschak zu Erffurt.

Ein jeglich Bürger sol keinen Schlegeschak geben/ von dem dinge  
das er kauft weder seinen Gegenbürger.

## Dis ist von der wehrunge des Silbers der Gäste zu Erffurt.

Welch Gast nimpt Silber omb seinen kauff zu einem Bürger/ So  
sol der Gast geben den Schlegeschak/ vnd der Bürger nicht.

## Dis ist von dem Wechsel zu Erffurt in der Stadt.

Niemand sol wechseln Silber mit der Wage omb Pfennige/ noch  
Pfennige omb Silber/ dann zu dem Münzmeister/ oder zu den Hus-  
genossen/ vnd der Münzmeister der sol zu allen zeiten newe Pfennige  
haben zu dem wechsel.

## Von dem wechsel des lötigen Silbers.

Ein jeglich Bürger mag wol wechseln lötig Silber/ das er gelten  
sol/ oder os dem Lande führen wil/ Er sol aber kein Silber wechseln/  
das er fort verkaufen wolle durch genies.

## Dis ist von den Wechslern die da sind zu Erffurt.

Ein jeglich Fälscher/ der da begriffen wird mit falschen Pfennigen/  
mit einem Schilling oder mehr/ dem sol man schlagen die Hand abe/  
Wird aber begriffen falsch bey dem Münzmeister/ oder bey den  
Husgenossen/ oder bey andern die münzen können/  
den gehet es an den Leib.

Dis

7

## Dis ist von falschem Geldte vnd Wagen.

Der Münzmeister der sol warnemen falsches Geldtes vnd Wagen / bey wem er das findet / der sol im werten drey Pfund vnd drey Scherffe vff gnade / Findet man aber andertweit bey demselbigem Man falsch Geldte oder Wage / das gehet im an seine Hand / zu dem dritten mal an den Leib.

## Dis ist von den ombeschrötelingen der Pfennige.

Wer mit ombeschrötelingen / das da heist Gendste / begriffen wird / mit einem Setzine / das gehet im an die Hand / mit einem Lot / an den Leib.

## Von den Essen / da man Silber vff börnet.

Es sol niemand haben eine Essen / da man Silber vff börne / dann der Münzmeister / vnd die Hausgenossen / vnd Goldschmide / vnd Stobeweschere / Wo sie mehr funden werden aber / das gehet an die Hand.

## Dis ist von Silberbörnen.

Ein jeglich Goldschmit sol lötig börnen vnter seinem Zeichen / thete er es nicht / so wird er busshafft an dreien Pfunden / vnd an dreien Scherffen / dem Münzmeister vff gnade / vnd sol einem jeglichen / als er gebörnet / den Herd vffheben / das er muethet / Börnet er aber nicht lötig vnter seinem Zeichen / das sol er vffrichten einem jeglichen / dem es not geschicht.

## Dis ist von dem Seiger des Münze- meisters.

Es sol auch niemand haben irgend einen Seiger / dann der Münzmeister / wo er aber mehr funden wird / das gehet an die Hand.

Dis

Dis ist von den Eiden der Goldschmide.

Alle Goldschmide sollen jeglichs Zars schweren dem Münkemeister/ das sie bürnen recht/ vnd melden/ wer genosse lasse bürnen.

Dis ist von den Hausgenossen.

Der Hausgenossen sollen sechzehen sein/ zwölffe die da werden können mit Hammern vnd mit Zangen/ vnd vier von gnaden.

Von den Pfennigen/ die des Zars sollen gehen.

Man sol iglichs Zars zu S. Jacobs tag neue Pfennige schlagen/ Aber mehr Münke Erffortischer Pfennig/ dann eine mügen gehen/ ob es dem Münkemeister behagt/ vnd der Münkemeister der sol nemen darzu die Hausgenossen/ vnd wen er wil/ vnd sol die Pfennige machen das sie sügen der Stadt vnd dem Lande/ vnd die Pfennige sollen alle weis sein.

Dis ist von des Münkemeisters Zügern zu Erffurdt.

Wen des Münkemeisters Knechte/ die darzu geschworen haben/ oder die Hausgenossen besagen auff iren Eid/ das er gewechselt habe/ dem sol der Münkemeister zu hand lassen gebieten in seinen Hof/ vnd das gebot sol nicht obernechtig werden/ Darff aber der Man verrichten darfur/ den Eid mag nemen der Münkemeister ob er wil/ Bekennet aber er/ so sol er wetten den Münkemeister drey Pfund vnd drey Scherff off seine gnade.

Von

## Von versuchunge der Pfennige.

Der Bisthumb oder der Mönchmeister des Erzbischoves/mügen  
welche zeit sie wollen/versuchen der Hausgenossen Pfennige/ob sie ge-  
recht sind/greifende in jre Beutel.

## Dis ist aber von versuchunge der Pfennige.

Wann aber die Bürger düncket/ das sie die Pfennige wandeln an  
der wisse/ vnd an der schwerde/ so sollen sie mahnen des Erzbischoves  
Bisthumb oder seinen Mönchmeister/ das sie greiffen in der Hausge-  
nossen Beutel/ vund versuchen das. Wann aber sie des gemahnet  
werden von den Bürgern/ so sollen sie zu hand gehen mit den Bür-  
gern/ vnd sollen das versuchen/ Findet man aber die Pfennige zu  
leicht/ oder zu schwer/ oder zu hart/ das sol man richten mit dem Rech-  
te/das vor geschriben stehet.

## Von dem Wechsel.

Die Mönchmeister vnd die Hausgenossen sollen zu wechsel sitzen  
mit neuen Pfennigen/vnd nicht mit alten.

## Dis ist auch von dem Wechsel der Pfennige.

Welch Hausgenosse zu wechsel sitzet mit alten Pfennigen/wird er  
des mit Rechte vberredet/ so wird er bushafft dem Erzbischove  
oder seinem Mönchmeister/ dreier Pfund vnd dreier  
Scherff vff gnade.



V

Von

### Von vnerdiegem Silber.

Welcher hand Silber das man wechselt an dem Banck/ das sol man wider bringen zu dem Eifen vnergeten.

### Von der wehrunge des Silbers vnd Pfennige.

Ein jeglich Hausgenosse/der da wechselt an dem Banck/ Silber/ der sol daselbst wehren mit neuen Pfennigen/ vnd nitrgend anders/ noch niemand anders sol auch wehren mit alten Pfennigen vor ihu / Ehuters darüber / so ist er buschafft dem Erzbischoue / oder seinem Münzmeister dreier Pfund vnd dreier Scherff off gnaden.

### Von der Ammichten Rechte.

Des Erzbischoues Schultheis/ Marktmeister vnd Münzmeister/ vnd der Voit/ des Greuen/ vnd des Vitzhumbs gesinde/ die zu irem Brot gehen/ vnd in irem Hause schlaffen/ ober die sollen sie richten/ theten sie des nicht/ so sol der Schultheis des Erzbischoues richten ober dasselbe Gesinde/ Der Beutel sol aber nicht gebieten dem Gesinde in jres Herren Haus/ Er sol aber im gebieten/wo man es gesehet/ an der Strasse oder anderzwo/ vor den Schul-

*Ergo dicitur in iuribus quod si quis in domo sua  
in diebus festis non dormiat sed in ecclesia  
debet in eadem dormire et si non dormiat  
debet in eadem dormire et si non dormiat  
debet in eadem dormire*

der sol dann ober es richten/  
nach rechte.



# Dis ist von dem Marktmeister Ampt des Erzbischoues.

**D**er Marktmeister der sol seinen Zoll nemen von aller hand Leuten / als sie verkaufft haben / vnd dieweil sie nicht verkaufft haben / so sol man sie nicht pfenden omb den Zoll / Ist aber das ein Man ein teil verkaufft von seinem Wagen / so sol er seinen Zoll geben / oder ein Pfand / bis das er alles verkaufft / ob es der Zöllner heische oder nicht / gibt er dann dem Zöllner nicht seinen Zoll / so fare er vff sein recht.

## Von deme der Zolles sol ledig sein oder nicht.

Pfaffen vnd Ritter vnd Ritterskinder / vnd begebene Leute / die solen nicht zollen / es sey das sie keuffen irem Gesinde / an irem verdienten Lohne / Gewand / oder frembden Leuten etwas / dauon sollen sie dann zollen.

## Dis ist auch von dem Zoll den man gibt.

Keuffet aber ein Pfaff oder ein Ritter vff gewinnung etwas / das er fort wolle genieffen / dauon sol er Zoll geben / es sey dann also / das es keuffe oder verkauffe / das es fort wolle genieffen / dauon sol es dann geben sein Marktrecht.

## Von Zolle.

Alle des Erzbischoues Leute / vnnnd des Greutn / vnnnd des Bisthumbs / die es von alters zu Rechte verhaben sollen sein / die sollen keinen Zoll geben.

**B ij** Von

das sol

Silber / anders / vor ihn / er seinem

das man es

Dis



Von Zolle den man entführet aus  
der Stadt.

Wer den Zoll entführet oder entreit ober die euffern Brücken / dem  
sol der Zöllner nachfolgen / vnd sol in vffhalten in dem Reich bilde / vnd  
nicht doraus / vnd sol in füren vor seinen Herren. Mag aber der Man  
bringen / das er den Zoll gegeben habe / so ist er ledig / Mag er das nicht  
gethuen / so sol er wetten drey Pfund vnd drey Scherff / vff des Markts  
meisters gnade / Kömmer aber er des weg / vnd wird das obernechtig / so  
mag in der Marktmeister keine schuld geben.

Dis ist auch von dem Zoll / den man gibt von  
mancher hand dinge.

Als manch Man als vff einen Wagen sein ding leget zu füren / also  
manchen Zoll sol man geben dauon / der das vswendig der Stad ge  
fessen ist.

*In der Dilliganz der Dreyer Reiches Majestät ist verordnet das die Münzgerichte dem Reich  
No. 1354. vnd hat vor 3000. Mark die Coßfeger Silber die Erffordernis vffbringen der Reich  
erordnet, vff Copiale der Eff. Mainz. Wie man zollen sol. vnd käuflich  
Vffhandts Naml. 20.*

Von einem Schilling vnd darüber / sol man geben einen Pfennig  
zu Zoll / vnd darunter bis an sechs Pfennige / einen Scherff / vn  
ter sechs Pfennigen aber sol man nicht zollen.



Dis

no 2

it 2





**Dis ist von dem Zoll der Geste.**

Welch Gast der vswirdig Landes ist/ vnd kömpt zu Erffurt mit einem Wagen / oder mit einem Karren geladen / das er nider legt von dem Wagen/ob er entledigt/ dauon gibt er vier Pfennige/ dauon aber das er vffledet/ dauon gibt er aber vier Pfennige/ vnd von dem Karren nider zu legen/ gibt er zween Pfennige/ vnd vffzuladen aber zween Pfennige/ vnd nicht einen Zoll.

**Dis ist von dem Zoll der Wagen vnd der Karren.**

Gehet aber ein geladen Wagen oder Karren durch die Stad / oder omb die Stad/ durch die Windischen gehouen/ oder durch den Bruel/ oder omb der Jüden Grab/ das bey den Stechen ist/ der sol Zoll geben.

**Von dem vnrechten Batw.**

Der Marckmeister sol auch richten vber vnrechte Gebaw / vnnnd vber Gassen/ vnd vber vnrechten Oberhang/ vnnnd von Wegen/ vnnnd von Kammern die zu wege gehen / vnnnd vber Mist / der da ligt in der Strasse.

**Dis ist von dem Geleidt der Bürger vnd der Richtere.**

Wenn die Bürger vnd die Richtere mit einander zu Erfurdt geleiten/ den sollen die Geislichen Richtere an nichts bekümmern zu dem male.



**B iij Dis**

en/ dem  
ilde/ vnd  
der Man  
das nicht  
s Marck  
rechtig/ so

n

Stad so

San Rath  
Vp  
fließ

Pfennig  
erff von

Die



### Dis ist von den Weinschrötern.

Die Weinschröter sollen nemen vier Pfennige von einem Fuder vff zu schrotten/ vnnnd drey Pfennige nider zu schrotten. Ist es aber also/ das sie nicht einem Bürger mögen oder wollen helfen/ mag er selber das Fuder vff oder niderlegen/ oder thut es jemand ime zu hülffe/ das stehet im on gefahr/ Irrend sie aber einen Gasi mehr dann ober nacht/ so sollen sie im die Kost ablegen.

### Von den Schrotleitern.

Ein jeglich Bürger mag wol eine lange Leiter vnd eine kurze haben zu schrotten/ Ein jeglich Bürger mag wol schrotten vff oder nider ein halb Fuder one gefahr/ in sein Haus/ Verwarlosen aber die Weinschrötere eines Mannes Wein oder Bier/ oder anders was/ das sie vff oder nider schrotten/ das sollen sie selber gelten/ Sie sollen auch bereit sein dem Erzbischove zu schrotten ohne lohn seinen Wein oder sein Bier/ er sey gegenwertig oder nicht.

### Von dem Gewandschneiten.

Niemand sol Gewand schneiten zu Erfurt/ dann vff dem Freie des Erzbischoves vnter den Gademmen/ Wer es darüber thut/ wird ers mit Verichte besaget/ der sol geben den Bürgern fünf Schillinge/ vnnnd fünf Schillinge des Erzbischoves Markemeister zu Bussse/ Es mag aber ein jeglich Man wol ein ganz Tuch keuffen/ das er darff ihme zu kleidern/ oder seinem Gesinde/ vnd schneiten das one gefahr.

### Von dem Schultheissen Ampt in dem Brüel.

Der Schultheis in dem Brüel sol haben sein Recht an allen Stücken/ als es von alter ist gewest/ vnd sol leihen alles das Gut/ da man im von zinsset/ Vnd der Schultheis in der Stad der sol leihen alles das Gut/ da man ime von zinsset zu Kauffmans Kirchen.


Wir

**W**ir Bischoff Gerhard Erzbischoff zu Mainz/  
 mit hangnusse vnnnd mit willen vnser Capitel  
 von Mainz/ haben wir besiegelt diesen  
 Brieff/ mit vnserm vnd vnser Capitel In-  
 siegel/ mit all solchem vnterschiede vnd vor-  
 wort/ Obicht an vnserm Recht oder vnser Stiffts von  
 Mainz/ das wir haben in der Stad zu Erffurt/ vmb vn-  
 serm nutz/ Ehre oder Recht/ vnd auch der Stad zu Erffurt  
 ist/ zu oder abe zu thun/ oder zu bessern/ das das geschehen  
 sol mit vnserm wissen beidenthalb one gefahr/ beidenthalb  
 vnuerzegen vnser Rechte. Dieser Brieff ist geschrie-  
 ben vnd gegeben zu Mainz/ an dem nechsten Sambstage  
 nach Sanct Catharinen tag/ da man zahlte von Gottes  
 geburt/ Tausent/ zwey hundert/ vnd neun vnd acht

zig Jar / Anno Domini, millesimo, ducen-  
 tesimo, octuagesimo nono.

Jo. 1289





Bedruckt in der freien Stadt  
Erfurdt: durch Melchior  
Sachsen: Im Jar  
Christi:

M. D. LXXIX.





Stadt  
or

*[Faint, illegible text, likely bleed-through from the reverse side of the page.]*

*[Faint, illegible text, likely bleed-through from the reverse side of the page.]*







**B**  
Kön  
Erff  
nir  
r

**Q**

erfu  
vnd  
wer  
fure  
von  
ben g  
dem  
confi  
krafte  
mand  
genar  
der/d  
Notre  
die sei  
das  
dem  
Erffu  
levar  
richta







S. Maria Patrona obi. f. 22.  
Die Pflanzende Urast. f. 23.  
vom faul Baum in f. 45.


AB 177696



TA-OL

1079





# Kürtzlich doch gantzlich

Verzeichnis aller vnd jeder particular Rechten vnd Gerechtigkeiten/welcher/vnd keiner mehr/vor alten zeiten/die Erzbischove zu Mainz/etc. an vnd in der freien Stad Erfurde/ sich domals angemast haben/ In massen dieselbe auff schriftlich gesinnen/welch land des Hochwirdigsten Fürsten vnd Herrn/ Herrn Bruder Heinrichs/ Erzbischoven zu Mainz/ obersten Sankler des H. Römischen Reichs/ etc. vormittels gehaltenen unterhandlung/ vnd endlicher vergleichung beiderseits darzu sonderlich geordenter Legaten/ vmb steter haltung willen schriftlich verfasst/beliebt/vnnd so wol von dem Erzbischoff/ auch Capitul zu Mainz/ als von einem Erbarñ Rathe zu Erfurt/ im Jahr nach Christi geburt/ 1289. Sonnabendts post Catharinæ, versiegelt/ hinc inde einander vbergeben vnd angenommen.

Auch hernacher Anno Christi/ 1481. von Mainz wider Erfurt/ zu gebürlicher recognoscirung vnd transumirung producirt worden/ vnd dem versiegelten Original von worten zu worten gleichstimmig sind.

